

Bil. S 51

**AKTA LALULINTAS JALAN RAYA
(PENGAL 68)**

PERATURAN-PERATURAN LALULINTAS JALAN RAYA (PINDAAN), 2002

SUSUNAN PERATURAN-PERATURAN

Peraturan

1. Gelaran.
2. Pindaan peraturan 134 dari Peraturan-Peraturan Lalulintas Jalan Raya.
3. Pemasukan peraturan 152A baru.
4. Pindaan Jadual Kesepuluh.

**AKTA LALULINTAS JALAN RAYA
(PENGGAJAL 68)**

PERATURAN-PERATURAN LALULINTAS JALAN RAYA (PINDAAN), 2002

Pada menjalankan kuasa yang diberikan oleh bab 93 dari Akta Lalulintas Jalan Raya, maka Menteri Perhubungan, dengan titah perkenan Kebawah Duli Yang Maha Mulia Paduka Seri Baginda Sultan dan Yang Di-Pertuan, dengan ini membuat Peraturan-Peraturan yang berikut —

Gelaran.

1. Peraturan-Peraturan ini boleh digelar sebagai Peraturan-Peraturan Lalulintas Jalan Raya (Pindaan), 2002.

Pindaan peraturan 134 dari Peraturan-Peraturan Lalulintas Jalan Raya.

2. Peraturan 134 dari Peraturan-Peraturan Lalulintas Jalan Raya, dalam Peraturan-Peraturan ini disebut sebagai Peraturan-Peraturan utama, adalah dipinda —

(a) dalam peraturan kecil (1) —

(i) dalam perenggan (f), dengan memotong noktah dan menggantikannya dengan "; atau";

(ii) dengan menambah perenggan baru yang berikut —

"(g) petak kuning.";

(b) dengan menambah peraturan kecil baru yang berikut —

"(8) Petak kuning ditanda dengan garis kuning yang menyambungkan 4 penjuru suatu kawasan jalan raya di suatu simpang jalan, persimpangan atau di mana-mana bahagian jalan raya dan kawasan itu digaris menyerong, sebagaimana yang ditunjukkan dalam gambar rajah (1), (2) dan (3) dalam Bahagian IX Jadual Kesepuluh."

Pemasukan peraturan 152A baru.

3. Peraturan-Peraturan utama adalah dipinda dengan memasukkan peraturan baru yang berikut sejurus selepas peraturan 152 —


"Memandu dll. ke dalam petak kuning.

152A. Dengan tidak menghiraukan sebarang isyarat lampu, tiada sesiapa pun boleh memandu atau menunggang sesebuah kenderaan atau sebahagiannya ke dalam petak kuning melainkan jika setiap bahagian kenderaan itu dapat dipandu atau ditunggang ke luar petak kuning itu tanpa memberhentikannya di dalam petak kuning itu."

Pindaan Jadual Kesepuluh.


4. Jadual Kesepuluh kepada Peraturan-Peraturan utama adalah dipinda dengan menambah Bahagian baru yang berikut —

"BAHAGIAN IX
Petak-petak kuning




(1)

TANDA DI SIMPAK BERLAMPU ISYARAT



(2)

PETAK KUNING DI SIMPANG JALAN



(3)

PETAK KUNING DEKAT PETAK BAS."

Diperbuat pada hari ini, 24 haribulan Jamadilakhir, Tahun Hijrah 1423 bersamaan dengan 2 haribulan September, 2002.

PEHIN ORANG KAYA AMAR PAHLAWAN DATO SERI SETIA
AWANG HAJI ZAKARIA BIN DATU MAHAWANGSA HAJI SULAIMAN
Menteri Perhubungan,
Negara Brunei Darussalam.